

Protocol nr. 7

tar la convenziun davart la protecziun dals dretgs umans e da las libertads fundamentalas

concludi a Strassburg ils 22 da november 1984
approvà da l'assamblea federala ils 20 da mars 1987²
document da ratificaziun deponi da la Svizra ils 24 da favr 1988
entrà en vigur per la Svizra il 1. da november 1988
midà tras il protocol nr. 11 dals 11 da matg 1994³

(Stand am 15. Dezember 1998)

Ils stадis commembres dal cussegл da l'Europa che suttascrivan quest protocol –

decidids da prender ulteriuras mesiras per la garanzia collectiva da tscherts dretgs e da tschertas libertads tras la convenziun per la proteczion dals dretgs umans e da las libertads fundamentalas (numnada en il sequent convenziun) suftascritta a Roma ils 4 de novembrer 1950⁴ –

han concludì il suo dott.

Art. 1

Garanzias procedurales en connex cun l'expulsiu da persunas da l'exterior.

(1) Ina persuna da l'exterior che stat legalmain en il territori naziunal d'in stadi po vegnir expulsada da quel mo sin fundament d'ina decisiu relaschada legalmain; ad ella sto vegnir permess da

- a) far valair motivs cunter l'expulsiun;
 - b) laschar examinar ses cas e
 - c) da sa laschar represchentar per quest intent avant l'autoritat cumpetenta d'ina u da plirias persunas che quella autoritat ha definì.

(2) Ina persuna da l'exterior po vegnir expulsada avant ch'ella haja pratitgà ses dretgs tenor l'alinea 1 litera a,b e c, sch'ina tala expulsiun è necessaria en l'interess da l'urden public u per motivs da la segirezza nazjunalna.

Art. 2

Meds legals en chaussas penals

(1) Tgi ch'è vegni sentenzià d'ina dretgira pervi d'in malfatg, ha il dretg da laschar examinar la sentenza d'ina dretgira surordinada. Il diever da quest dretg ed ihs motivs, per ihs quals il dretg po vegnir pratitgà sa drizzan tenor la lescha.

(2) Excepziuns da quest dretg èn pussaivlas per malfatgs pitschens ch'en fixads en la lescha pli detagliadament u en cas en ils quals il process ha gi lieu cunter ina

CJLE 1988 1598 · BBL 1986 II 589

¹ Il text original sa chatta sut il medem numer en l'ediziju franzosa da questa collecziun.

CULE 1988.1596

³ cf. CS 0 101 09 art. 2 cifra 7

4 CS 0101

persuna en emprim'instanza davant la dretgira la pli auta u en cas, en ils quals ina persuna è vegnida sentenziada suenter in recurs encounter ses acquittament.

Art. 3 Dretg d'indemnisaziun tar sentenzias sbagliadas

Sch'ina sentenzia legalmain valaivla vegn abolida pli tard u sch'i vegn fatg grazia perquai ch'in nov fatg u ch'in fatg vegni a la glisch da nov cumprova che la sentenzia saja stada sbagliada, sto la persuna – sch'ella ha expià in chasti sin fundament d'ina tala sentenzia – vegnir indemnizada tenor la lescha u la pratica dal stadi correspondent, uschenavant ch'i na vegn betg cumprovà che la persuna sezza haja procurà per part u dal tut ch'il fatg correspondent na vegnia betg a la glisch a temp util.

Art. 4 Dretg da betg vegnir avant dretgira u chastià duas giadas per la medema chaussa

(1) Nagin na po vegnir persequità u chastià en ina procedura penala dal medem pajais per in malfatg, per il qual el è già vegni sentenzià u perdunà cun vigur legala tenor la lescha ed il dretg da procedura penala da quel stadi.

(2) L'alinea 1 n'excluda betg da reprender la procedura tenor la lescha ed il dretg da procedura penala dal stadi correspondent, sch'igl èn preschents novs fatgs u fatgs ch'en vegnids a la glisch da nov u sche la procedura precedenta mussa grondas mancanzas che han già ina influenza sin il resultat da la procedura.

(3) Da quest artitgel na dastga betg vegnir divergià tenor l'artitgel 15 da la convenzun.

Art. 5 Equalitat tranter ils conjugals

Areguard la maridaglia, durant la lètg e tar la schliaziun da la lètg han il conjugals in tranter l'auter ed en lur relaziuns cun lur uffants ils medems dretgs e duairs da dretg privat. Quest artitgel n'impedescha betg ils stadis da prender las mesiras necessarias en l'interess dals uffants.

Art. 6 Champ d'applicaziun territorial

(1) Mintga stadi po – tar la suttascripziun u tar il deposit da ses document da ratificaziun, acceptaziun u approvaziun – inditgar singuls u plirs territoris naziunals, en ils quals vegnan applitgadas quest protocol e declarar en tge dimensiun ch'el s'obliga d'applitgar quest protocol sin queste territoris naziunals.

(2) Mintga stadi po – cun ina declaraziun drizzada al secretari general dal cussegħi da l'Europa – pli tard adina extender l'applicaziun da quest protocol per mintga ulterior territori naziunal numnà en la declaraziun. Il protocol entra en vigur per quest territori naziunal l'emprim di dal mais che suonda ina perioda da dus mais suenter l'entrada da la declaraziun tar il secretari general.

(3) Mintga declaraziun fatga tenor ils alineas 1 e 2 po vegnir revocada u midada areguard mintga territori naziunal numnà en quella cun ina notificaziun drizzada al secretari general. La revocaziun u la midada daventa valaivla l'emprim di dal mais

che suonda ina perioda da dus mais suenter l'entrada da la notificaziun tar il secretari general.

(4) Ina declarazion consegnada tenor quest artitgel vala sco ina declarazion en il senn da l'artitgel 56 alinea 1 da la convenziun.

(5) Il territori naziunal d'in stadi, al qual quest protocol s'applitga sin fundament da la ratificaziun, acceptaziun u approvaziun dal stadi correspondent e mintga territori naziunal, al qual il protocol s'applitga sin fundament d'ina declarazion da quel stadi tenor quest artitgel, pon vegnir resguardads sco territoris naziunals separads, uschenavant che l'artitgel 1 reguarda il territori naziunal d'in stadi.

(6) Mintga stadi che ha fatg ina declarazion tenor ils alineas 1 u 2, po pli tard adina declarar per in u plirs territoris naziunals inditgads en la declarazion, ch'el acceptia la cumpetenza da la curt da prender encunter recurs da persunas naturalas, organisaziuns nunstatalas u d'associaziuns da persunas, tenor l'artitgel 34 da la convenziun, per quai che reguarda ils artitgels 1 fin 5 da quest protocol.

Art. 7 Relaziun tar la convenziun

Ils stadis contrahents considereschan ils aritgels 1 fin 6 da quest protocol sco artitgels supplementars tar la convenziun, tut las disposiziuns da la convenziun ston vegnir applitgadas correspondentamain.

Art. 8 Suttascripziun e ratificaziun

Quest protocol è avert per la suttascripziun a tut ils stadis commmembers dal cussegli da l'Europa che han suttascrit la convenziun. El è suttamess a la ratificaziun, acceptaziun u approvaziun. In stadi commember dal cussegli d'Europa po mo ratifitgar, acceptar u approvar quest protocol, sch'el ratifitgescha a medem temp er la convenziun u sch'el ha ratifitgà quella gia pli baud. Ils documents da ratificaziun, acceptaziun u approvaziun vegnan deponids tar il secretari general dal cussegli da l'Europa.

Art. 9 Entrada en vigur

(1) Quest protocol entra en vigur l'emprim di dal mais che suonda ina perioda da dus mais suenter il di che set stadis commmembers dal cussegli da l'Europa han dà lur consentiment da suttastar al protocol tenor l'artitgel 8.

(2) Per mintga stadi commember che dat pli tard ses consentiment da suttastar a quest protocol, entra quel en vigur l'emprim di dal mais che suonda ina perioda da dus mais suenter il deposit dal document da ratificaziun, acceptaziun u approvaziun.

Art. 10 Incumbensas dal depositur

Il secretari general dal cussegli da l'Europa notifitgescha a tut ils stadis commmembers dal cussegli da l'Europa:

- a) mintga suttascripziun;
- b) mintga deposit d'in document da ratificaziun, acceptaziun u approvaziun;

-
- c) mintga data da l'entrada en vigur da quest protocol tenor ils artitgels 6 e 9;
 - d) mintg'autra aczium, notificaziu u decleraziun en connex cun quest protocol.

Per attestar quai han ils sutsegnads ch'en autorisads per quai tenor las prescripziuns suttascrit quest protocol.

Fatg a Strassburg ils 22 da november 1984 en englais ed en franzos. Il text è impegnativ en tuttas duas linguas. In sulet exemplar vegn deponì en l'archiv dal cussegli da l'Europa. Il secretari general dal cussegli da l'Europa transmetta copias legaliadas a tut ils stadiis commembers dal cussegli da l'Europa.

(I suondan las suttascripziuns)

Champ d'applicaziun dal protocol ils 15 d'october 1993

| Stadis contrahents | ratificaziun | entrada en vigur | |
|--------------------|--------------------------|------------------|--|
| Danemarc* ** | 18 d'avust 10 da matg | 1988 1990 | 1. da november 1988 1. d'avust 1990 |
| Finlanda | | | |

| | | | |
|-------------------|---------------|---------|----------------------|
| Frantscha* ** | 17 da favrer | 1986 | 1. da november 1988 |
| Grezia | 29 d'october | 1987 | 1. da november 1988 |
| Islanda** | 22 da matg | 1987 | 1. da november 1988 |
| Italia* | 7 da november | 1991 | 1. da favrer 1992 |
| Luxemburg* | 19 d'avrigl | 1989 | 1. da fanadur 1989 |
| Norvegia | 25 d'october | 1988 | 1. da schaner 1989 |
| Austria* | 14 da matg | 1986 | 1. da november 1988 |
| San Marino* | 22 da mars | 1989 | 1. da zercladur 1989 |
| Svezia* ** | 8 da november | 1985 | 1. da november 1988 |
| Svizra* ** | 24 da favrer | 1988 | 1. da november 1988 |
| Slovacia | 18 da mars | 1992*** | 1. da schaner 1993 |
| Republica tscheca | 18 da mars | 1992*** | 1. da schaner 1993 |
| Ungaria | 5 da november | 1992 | 1. da favrer 1993 |

* Resalvas e declaraziuns vesair en il sequent.

** Quest stadi extenda la renconuschienscha dal recurs individual e da la giurisdicziun da la curt (art. 34 e 46 da la convenziun per la proteczion dals dretgs umans e da las libertads fundamentalas – CS 0.101) sin ils artitgels 1–5 dal protocol nr. 7.

*** Data da la consegna dal document da ratificaziun da la Tschescoslovachia.

Resalvas e declaraziuns

Danemarc

Il protocol na vala betg per las inslas Färöer.

La regenza dal Danemarc declara che l'artitgel 2 alinea 1 n'impedeschia betg l'applicazion da las disposiziuns da la lescha davart la giurisdicziun («Lov om rettens pleje»), tenor la quala la pussaivladad d'ina nova examinaziun tras ina dretgira surordinada – en quels cas che pon vegnir persequitads da las instanzas las pli bassas da la procura publica («politisager») – vegn refusada,

- a) sche l'atgisà na cumpara betg avant las autoridades giudizialas, malgrà ch'el vegn cità;
- b) sche l'autoritat giudiziala ha suspendì il chasti; u
- c) en ils cas, nua ch'igl è vegni dà be chastis pli pitschens che quai che la lescha prevesa.

Frantscha

Declaraziun

La regenza da la republica franzosa declara ch'ina examinaziun tras ina dretgira surordinada en il senn da l'artitgel 2 alinea 1 sa possia restrenscher ad ina controllo da l'applicazion da la lescha, sco il recurs da cassaziun.

Resalvas

La regenza da la republika franzosa declera che mo ils acts chastiabels che suttastattan en il dretg franzos a la cumpetenza da las dretgiras penales cumpetentas pon vegnir resguardads sco acts chastiabels en il senn dals artitgels 2–4 da quest protocol. La regenza da la republika franzosa declera che l'aritgel 5 na dastga betg furmar in impediment per applitgar las reglas da l'urden giuridic franzos davart il transferiment dal num da famiglia.

L'artitgel 5 na dastga betg furmar in impediment per applitgar las disposiziuns dal dretg local en la corporaziun territorialia da Mayotte ed en ils territoris da la Nova Caledonia sco er sin las inslas Wallis e Futuna.

Il protocol nr. 7 tar la convenziun per la protecziun dals dretgs umans e da las libertads fundamentalas vegn applitgà en l'entir territori da la republika. Areguard ils territoris da surmar e la corporaziun territorialia da Mayotte ston vegnir resguardadas las pretensiuns localas menziunadas en l'artitgel 63 da la convenziun per la protecziun dals dretgs umans e da las libertads fundamentalas.

Italia

La republika taliana declera ch'ils artitgels 2–4 dal protocol s'applitgeschan mo sin acts, proceduras e decisiuns che vegnan numnadas dal dretg talian sco chastiabels.

Luxemburg

Il gronducadi da Luxemburg declera che l'aritgel 5 dal protocol na dastga betg furmar in impediment per applitgar las reglas da l'urden giuridic da Luxemburg davart il transferiment dal num da famiglia.

Austria

L'Austria declera che

1. la dretgira surordinada en il senn da l'artitgel 2 alinea 1 cumpiglia la dretgira administrativa e la dretgira constituziunala;
2. ils artitgels 3 e 4 sa refereschan mo a la procedura penala en il senn dal cudesch penal da l'Austria.

San Marino

La regenza da la republika da San Marino declera areguard las disposiziuns da l'artitgel 3 concernent l'indemnisazion d'ina victima per sbagl da la giustia, ch'il princip vegnia bain duvrà en la practica, ma na saja previs en nagina disposiziun legala. La regenza da la republika s'obliga perquai da prevair il fatg giuridic e la reglementaziun dal princip en ina disposiziun legala stringentia che vegn ad esser approvada entaifer dus onns davent da quest di (q.v.d. avant ils 22 da mars 1991).

Svezia

Art. 1

La Svezia declera ch'ina persuna da l'exterior che po appellar encunter ina disposiziun d'expulsiun tenor il paragraf 70 da la lescha svedaisa davart estras ed

esters (1980: 376) possia consegnar in decleraziun, ina uschenumnada decleraziun d'acceptaziun, tenor la quala ella renunzia al dretg d'appellazion cunter la disposiziun. La decleraziun d'acceptaziun è irrevocabla. Sch'ina persuna da l'exterieur ha appellà cunter la disposiziun avant che consegnar la decleraziun d'acceptaziun, daventa ses recurs nunvalaivel tras la decleraziun.

Svizra⁵

Resalva tar l'art. 1:

Sche l'expulsiun è succedida tenor il conclus dal cussegli federal sa basond sin l'artitgel 70 da la constituziun federala⁶ pervi da periclitazion interiura ed exteriusa da la segirezza da la Svizra, na vegnan – er suenter che l'execuziun è vegnida fatga – concedids als pertutgads nagins dretgs tenor l'alinea 1.

Resalva tar l'art. 5:

L'applicaziun da las disposiziuns da l'artitgel 5 dal protocol supplementar nr. 7 suenter l'entrada en vigur da las disposiziun revididas dal cudesch civil svizzer dals 5 d'octobre 1984⁷ succeda cun la resalva da la reglamentazion concernent il num da famiglia (art. 160 CCS⁸ ed art. 8a tit. fin. CCS) dad ina vart e da la reglementazion da l'acquist dal dretg da burgais (art. 161, 134 al. 1, 149 al. 1 CCS e da l'art. 8b tit. fin. CCS) da l'autra vart.

L'artitgel 5 vegn applitgà vinavant cun la resalva da tschartas disposiziuns transitorias dal dretg dals bains matrimonials (art. 9, 9a, 9c, 9d, 9e, 10 e 10a tit. fin. CCS).

⁵ art. 1 al. 1 CoF dals 20 da mars 1987 (CULF **1988** 1596)

⁶ CS **101**

⁷ CULF **1986** 122

⁸ CS **210**